

նախկին գիտական աշխատանքի կազմակերպման համար:

Գիտաժողովի աշխատանքներն ամփոփեց գիտաժողովի կազմակերպիչի նախագահի տեղակալ, ՀՍՍՀ ԳԱ Հ. Անտոյանի անվան լեզվի ինստիտուտի դիրեկտոր, ՀՍՍՀ ԳԱ ակադեմիկոս Գ. Բ. Զաքարյանը: Նա գնահատեց և ամփոփեց

գիտաժողովի աշխատանքներն ու արդյունքները, ընդհանրացրեց ձեռք բերված նվաճումները: Միաժամանակ Գ. Զաքարյանը նշեց հայագիտության հետագա զարգացման հիմնական ուղիները և այն գեղը, որ կունենա հայագիտության զարգացման համար հայերենագիտական միջազգային երկրորդ գիտաժողովը:

ՊԵՐՃ ՊՈՌՇՅԱՆԻ ԾՆԵԴՅԱՆ 150 ԱՄՅԱԿԸ

1987 թ. սեպտեմբերի 24-ին ՀՍՍՀ ԳԱ դրականության ինստիտուտում կայացավ գիտական նստաշրջան՝ նվիրված հայ վիպասանության ամենամեծ դեմքերից մեկի՝ Պ. Պոռյանի ծննդյան 150 ամյակին:

Բացման խոսքով հանդես եկավ ՀՍՍՀ ԳԱ ակադեմիկոս էդ. Զրբաշյանը: Ըստ արժանվուն գնահատելով արձակագրի գրական-հասարակական գործունեությունը, նա նշեց, որ Պ. Պոռյանը հայ ռեալիստական վիպագրության առաջին նշանավոր վարպետն է, ընդհանրապես հայկական ռեալիզմի հիմնադիրներից ու խոշորագույն դեմքերից մեկը: Իր արձատեսներով ու ամբողջ ստեղծագործությամբ կապված լինելով անցյալի կյանքին ու կենցաղին, վիպասանը եղել է դրանց հավատարիմ տարեգիրը, միշտ ելակետ է ունեցել իրենց շրջապատող կենսական կոնկրետ փաստերը, իրողությունները, որոնք կարողացել է դարձնել գեղարվեստական տիպականացման հիմք:

Ավելի քան 40-ամյա գրական գործունեության ընթացքում՝ «Սոս և Վարդիթերից» մինչև «Հռոմեոս» և դարասկզբին գրած վերջին անտվարտ երկերը կազմում են մի շատ ինքնատիպ գեղարվեստական աշխարհ: XIX դ. արևելահայ գյուղաշխարհի համայնապատկերն է դա՝ սկսած պարսկական տիրապետության վերջին տասնամյակներից մինչև մեր դարի սկիզբը: Հայ գյուղի կյանքի ու կենցաղի, մարդկային բնավորությունների, սոցիալական և բարոյական հարաբերությունների, մտածողության և պատկերացումների մի լայն ու հարուստ պատկերասրահ է նրա ստեղծագործությունը, որին դիմել են և կդիմեն ընթերցող սերունդները, ասաց էդ. Զրբաշյանը:

Այնուհետև լավեցին մի շարք ուշագրավ և բովանդակալից զեկուցումներ: Բանասիրական գիտությունների դոկտոր Ս. Սարգսյանը կարգադրեց ամենակրթ Պ. Պոռյանի ռեալիզմի պոետիկայում: Թեմայով զեկուցումը: Սոցիալական ժամանակը միանգամայն հետաքրքիր օրինաչափություն է գծում Պոռյանի աշխարհայացքի և ռեալիզմի գեղարվեստական համակարգում, ասաց նա: Կրեյնով իրերի շարժումը կարգավորող մի ուրույն

ֆունկցիա, այդ կատեգորիան հանդես է դալիս որպես փիլիսոփայական ելակետ և աշխարհընկալման ուղղություն: Ներկա ժամանակն ըստ Պոռյանի իրացրեցին է, այն բնական չէ, որման և իրական չէ: Իրականը անցյալն է, որ հրապուրում է իր անփոխարինելի հուշերով, մնայուն արժեքներով և գոյության կայուն հիմքերով: Անցյալի ու ներկայի անշատման այս կիզակետում Պոռյանն ընկալեց սոցիալական ժամանակը և իր հոգու ամբողջ խորությամբ վերապրեց ճեղքվող աշխարհի ողբերգական սարսափը: Երկու աշխարհի սահմանափակումն անցնելի աշխարհ է առաջ բերում մարդկանց հոգեբանության մեջ, իսկ հեռացող անցյալի ստվերները տանում են թանկ ու անփոխարինելի մի բան, որ անցնում է առհավետ: Այսպես էլ անցյալ ժամանակը Պոռյանի գեղարվեստական աշխարհում հանդես է դալիս որպես իզնալի ուղեցույց, սյուժեների սկիզբ և գործողության նպատակ: Այս ելակետով էլ գրականագետը վերլուծում է յսոմ և Վարդիթեր, «Կռվածաղիկ», «Բղդա», «Ցեցեր», «Հացի խնդիր» ստեղծագործությունները:

Որպես ռեալիստ գեղագետ, ունենալով պատմականության խոր զգացողություն և ցույց տալով նահապետական համայնքի կործանման անխուսափելիությունը, Պոռյանը, սակայն, իբրև մտածող հավատում էր սոցիալական իր իդեալի կայունության պատրանքին: Սա ազդում է նրա գեղարվեստական մտածողության վրա, կանխորոշելով սյուժեների ու սոցիալ-հոգեբանական կոնֆլիկտների լուծումը: Բախվում են հին ու նորը, կրքերի սուր տարերքի մեջ առնում մարդկային արժեքների. կշռույթը, ու թեև պատմությունը գործում էր հնի կործանման անխախտ տրամաբանությամբ, սակայն Պոռյանը սուբյեկտիվորեն կարգավորում է իրերի ընթացքը, կյանքի փլատակների վրա կառուցում նահապետական կյանքի ռոմանտիկական ուտոպիան: Այստեղից էլ սկիզբ է առնում նրա հոգեկան դրաման, նրա հոգեբանությունը ապագայի հանդեպ և սնհետացող անցյալի հովիվերգական էլեգիան, վերջում նշեց Ս. Սարգսյանը:

Հետաքրքիրությամբ լսվեց նաև բանասիրական գիտությունների դոկտոր Պ. Հակոբյանի «Պ. Պոռյանի անտիպ նամակները՝ զեկուցումը: Գրականագետը մասնավորապես ասաց, որ Պոռյանի նամակները, որոնք կենսագրական առաջնակարգ աղբյուրներ են և խորապես մարդկային ապրումների ու տաղանների արձագանքներ, առ այսօր ամբողջությամբ հավաքված, հետազոտված, մեկնաբանված ու հրատարակված չեն: Գրողի երկերի ժողովածուներում ընդգրկված են ընդամենը 24 նամակ, փոքր-ինչ ավելի՝ վկայակոչված կամ մեջ են բերված զանազան գրքերում ու հոդվածներում: Վերջին տասնամյակների որոնումների շնորհիվ, նկատեց Պ. Հակոբյանը, հավաքել ենք դարձյալ նույնքան անտիպ նամակներ՝ գրված 1865—1907 թթ. ընթացքում: Դրանց մեջ է նաև Պոռյանի առ այսօր հայտնի ամենավաղ նամակը: Գրողի նամակները շոշափում են կրթական, գիտական-գրական, կենցաղային հարցեր և ազգային հետադիմության դեմ գրողի մղած անդիշում պայքարի դրվագներ: Պոռյանի հասցեատերերն են հայագետ ու հանրային գործիչ Կարապետ Եզանցը, ազգային բարերար Մկրտիչ Սանասարյանը, գրականագետ Յուրի Վեսելովսկին, ազգային ալլեայի հաստատություններ, ինչպես նաև իր գավազները: Անկարգ գրողը շարունակ դեգեներացնում էր որդիների կրթությունը կանոնավոր հունի մեջ դնելու, կյանքի պայմանները որոշ չափով բարելավելու և ավագ որդուն՝ հեղափոխական Պոռյանի, բանտից ու աքսորից ազատելու համար: Թեև հոր ու որդիների միջև կային գաղափարական տարաձայնություններ, Պոռյանը ներքին համար միշտ մնում էր օրինակելի ծնող, սիրող հայր, և իր գավազներին առաջնորդում էր բարության ու առաքինության ուղիներով:

«Պերճ Պոռյանի «Հունոն» վեպի գաղափարական բովանդակությունը՝ զեկուցմամբ հանդես եկավ բանասիրական գիտությունների թեկնածու Հ. Գաբրիելյանը: XIX դ. սոցիալական կոնֆլիկտները արտացոլող Պոռյանի վեպերը լայն ժողովրդականություն են վայելում. ձեռք բերում ճանաչողական մեծ արժեք, հետեծորմյան հայ գյուղում կատարվող սոցիալական տեղաշարժերն ընկալելու և իմաստավորելու գործում, շեշտեց նա: Գյուղացիության սոցիալ-դասակարգային ընդլուծմի ու տարերային պայքարի, հոգեբանության ու կենցաղի պատկերները լի են ժողովրդի՝ դարերով ձեռք բերած բարոյական արժեքների կորստյան տաղանայնությամբ: Այս իմաստով հետաքրքրական է «Հունոն»՝ առաջին վեպը հայ իրականության մեջ: Այն նշանավորվում է ունեցված գյուղացիության կյանքում ու գի-

տակցության մեջ տեղի ունեցող խոր փոփոխությունների գեղարվեստական ճշգրիտ ընկալումներով ու արմատական հարցադրումներով: Վեպասանը «իր շավղից դուրս եկած» աշխարհն ապաքինելու համար առաջադրում է զինված պայքարի գաղափարը:

Բանասիրական գիտությունների թեկնածու Ս. Ալեքսանյանի «Ժողովրդագրությունը Պ. Պոռյանի գեղագիտական համակարգում» զեկուցումը նվիրված էր գրողի գեղարվեստական ժառանգության մեջ որակ կազմող ժողովրդագրությանը: Վեպասանի ստեղծագործության մեջ ժողովրդագրության տիրապետող առկայությունն ունի պատմական և իմացաբանական պատճառաբանվածություն: Պատմական պատճառները հեղինակի կողմից պատկերվող իրականության՝ տեղական համայնքի կառուցվածքային առանձնահատկությունների մեջ են, նշեց զեկուցողը: XIX դ. սկզբում հայ համայնքը անհամեմատ անբարենպաստ տնտեսական և մշակութային միավոր էր: XIX դ. կեսերից սկսած այն, արտաքին ազդեցիկների ներգործությամբ, կազմալուծվում ու քայքայվում էր: Հայ պահպանողական մտայնությունը, որը ազգի զարգացման պատմություն, դիտում էր որպես պատմամշակութային գոյաբանություն, սոցիալ-տնտեսական առաջընթացը ներկայացնող այդ իրողությունը համարում էր որպես ավերմունք ու քաոս ստեղծող ընթացք և փորձում որոշակի միջոցներով կանխել այն: Նահապետական կյանքի և նրա մշակութային արժեքների իդեալականացումը Պ. Պոռյանի արվեստում անցյալի ներդաշնակությունը վերականգնելու յուրահատուկ փորձ էր:

Գիտական նստաշրջանում եզրափակել խոսք. ասաց էլ. Ջրաշրջանը: Թեպետ հայ գրականագիտությունը զգալի գործ է կատարել Պոռյանի ժառանգության ուսումնասիրության ուղղությամբ, սակայն այս բնագավառում կան հարցեր, որոնք նոր լուսաբանություն են պահանջում, նշեց նա: Անհրաժեշտ է ավելի խոր հետազոտել Պոռյանի ռեալիստական մեթոդի և տիպականացման արվեստի յուրահատկությունը, լեզվի և կոմպոզիցիայի սկզբունքները: Հերթի են սպասում գրողի գիտական կենսագրությունը, կյանքի և ստեղծագործության տարեգրությունը, ամբողջ ժառանգության գիտական հրատարակության նախապատրաստումը: Գրողի ծննդյան 150 ամյակի տոնակատարությունը գալիս է հավաստելու, որ ժողովուրդը հիշում, սիրում և գնահատում է Պ. Պոռյանին՝ իր կյանքով, ճակատագրով ու ստեղծագործությամբ:

ՄԱԳԻԱՆԻԱ ՀԱՆՈՐԵԱՆ
ՄԵԼԱՆԻԱ ՄԻՔԱՅԵԼՅԱՆ